

靖逸小集

建安葉紹翁嗣宗

登謝履亭贈謝行之亭在天竺

君家靈運有山癖平生費却幾緡屐從人喚渠
作山賊內史風流定誰識西窓小憇足力疲夢
賦池塘春草詩只今屐朽詩不朽五字句法誰
人追天台覽遍興未已天竺山前聽流水秦人
稱帝魯連恥寧向蒼苔留屐齒乙庵行號是渠
幾世孫登山認得屐齒痕摩挲苔石坐良久便
欲老此崑之根吾儂勸渠且歸去請君更學遙

送祖送：之祖定阿誰曾出東山作
佐霖雨乙
庵未省却問儂莫是當年折後翁

西湖秋晚

愛山不買城中地畏客長撐屋後船
荷葉無多
秋事晚又同鷗鷺過殘年

題鄂王墓

萬古知心只老天英雄堪恨復堪憐
如公更後
須臾死此虜安能八十年漢
凝塵空偃月堂遺像在凌烟
早知埋骨西湖路學取鷗夷理
釣船

聞項山徐道人改卜

先生新卜宅只許白雲知野
窳扣蜂割巖花帶
蝶移坐請苔石靜醉忘木橋危
屋後寒梅放因
風寄一技

游園不值主人

應嫌屐齒印蒼苔十扣柴扉九不
開春色滿園
閑不住一枝紅杏出牆來

仙興

金書宮殿玉闌干雪瀑泉飛洞口
寒日莫仙翁
騎鶴去碧桃花滿石棊盤

秋日遊龍井

引道煩雙鶴，携囊倩一童。
竹光盃影裏，人語水
榭中。不雨雲常濕，無霜
葉自紅。我來何所事，端
為聽松風。

出北關二里

脫衣命僕洗塵埃，離落人家未見梅。
出得城門能幾步，舡頭便有白鷗來。

野蝶

銀為鬚翅粉為肌，驅後春風不解肥。
桃李上林無分到，可憐却傍菜花飛。

嘉興界

平野無山見盡天，九分蘆葦一分烟。
悠悠綠水分枝港，撐出南鄰放鴨船。

煙村

隱：烟村聞犬吠，欲尋不見人家只於橋。
斷溪回處流出碧，挑三數花

石頭感古

夷甫諸人者，龜趺已故丘。但能揮玉麈，不解冠
兜鍪。正朔從江左，經營僅石頭。中原雖可望，不
忍上層樓。

葛天民隱居

種竹成新列，移蘭即舊陰。
老錨猶有耳，古柳已無心。
得句添杯滿，貪爐到夜深。
篝燈聊點校，春水浸衣砧。
用其辭意

九日呈真直院

秋風吹客，思家破帽從渠。
自在斜陽，斷故山歸未得。
借人籬落，種黃花。

貴遊

五陵年少儘風流，十日安排一日遊。
林下幽人羞省事，筆床茶竈便登舟。

寓居

雲補青山缺，琴銷白日長。
鷗從兩外沒，蛇入樹間藏。
客以衣常黑，童童髮半黃。
螢多隣舍少，此意自淒涼。

其二

無酒難留客，借書方入城。
洗衣知水落，貪睡畏窓明。
野竹藤纏殺，枯枝草寄生。
十年林下隱，老覺世緣輕。

田家三詠

織籬為界，編紅槿排石成橋。
接新塍，野老生涯。

差省事。一間茅屋兩地菱。
田因水壞秧重挿。家為蚕忙戶緊閉。黃犢歸來
莎草開。綠桑采盡竹排閑。
抱兒更送田頭飯。盡鬢濃調竈額烟。爭信春風
紅袖女。綠楊遮院正秋千。

送馮濟川歸蜀

勇喚東吳萬里船。阜囊來奏九重天。一官豈為
蕪洵冗。諸老寧容賈誼先。滿載月歸應有命。使
耕雲去豈無田。竹枝歌罷蓮窓掩。到此相思正
黯然。

賦葛天民栽葦

葉礙漁舟入叢。分水國寬低回。藏鷺渚。髣髴釣
魚竿。蕩戶和萍送溪翁。當竹看。所憐如許節。不
耐雪霜寒。

田舍小憩

犬馴迎且吠。兒小笑還啼。櫻熟施魚網。桑空卧
竹梯。拈枝禽啄折。野州鹿眠低。屋後登山路。牛
欄更向西。

青溪閣

江總能文士。空貽狎客名。舊城荒草占。廢圃野

人耕古柳無多樹。新蟬第一聲。青溪因亡恙，依舊與孤城。

訪隱者

不作王門夢，來敲隱者關。童先孤雀化，雲伴一身閑。碍笋新移路，低牆為看山。幾回松下去，鋤得茯苓還。

幽居書事

牕開雙佛塔，水遠數漁家。酒剩沾鄰里，時平買釣車。童閑惟伴鶴，樹老自成槎。枕上關心事，侵晨掃落花。

訪龍井山中村叟

兩打荒籬豆荚垂，柴門未啟立多時。客來自掘蹲鴟煮，旋拾枯松三數枝。

西溪

一條橫木過前溪，村女齊登採葉梯。獨立衡門春雨細，白雞飛上樹梢啼。

和葛天民呈吳翰仲韻賦其進館所有

江遠潮痕細，城回路勢斜。竹行穿砌後笋，風墮過牆花。篆葉虫留字，銜泥燕理家。主人清到骨，相對只杯茶。

敬陪直院右史上已後一日西齋之集

清時天上詔書稀，曲水從游許布衣。
揮羽滿浮寒食酒，倚欄同憶故山薇。
碧桃統觀春風靜，柔櫓搖汀夕照微。
慨想蘭亭如昨日，沙鷗飛下釣魚磯。

贈陳宗之

官河深水綠悠悠，門外梧桐數葉秋。
中有武林陳學士，吟詩銷遣一生愁。
十載京塵染布衣，西湖烟雨兩無心。
違隨車尚有書千卷，擬向君家買却歸。

題山間老友壁

山間雖寂靜，未得事全無。
鋤地留莎草，添泉養石蒲。
庭除風自掃，身世月同孤。
老去知禪味，松間試結趺。

寄湖上黃教佑甫

門幽緣近寺，官冷未成家。
樓借山為障，風吹水作花。
詩方酬北磻，經又節南華。
聞說新雛鳳，賓來解喚茶。

表忠觀韓小官人

觀裏韓風子，無心似有靈。
繞廊時自語，捫瓦故

忘形午曝松簷暖，晨飧栢葉青。客來知有饋，迎笑立中庭。

夜書所見

蕭蕭梧葉送寒聲，江上秋風動客情。知有兒童捉促織，夜深籬落一燈明。

訪隱者

開門迎客著山袍，井畔彌猴一樹挑。兒向草間尋落菓，妻從牆角過香醪。舊栽松子今能大，新起茅堂不甚高。歷遍貴遊無此味，韭和春雨笋和糟。

題孫瑞甫別墅

幽居地僻少人知，野水春風扞樹籬。檢曆預尋移竹日，題牆閑記種花時。堪嗤狡兔須三窟，只學鷓鴣占一枝。淨掃綠苔斟濁酒，鄰家吹過野棠梨。

寄趙眉翁二首

兩度馳書未報音，溫陵尺牘定千金。多應驛使曾相訪，短艇烟波無處尋。君王未肯賜西湖，鷗鷺叢中借地居。憔悴風姿今釣叟，痴心猶望故人書。

紙帳

五色流蘇不用垂，楮衾木枕更相宜。高眠但許留禪客，低唱應難著侍兒。白似雪窓微霽後，暖於酒力半醺時。蒲團靜學觀身法，歲晚工夫要自知。

謁半山祠

歸去田疇問老農，力行新法竟何功。已知佛供追前過，尚惜修書謝數公。塑像難陪夫子壁，石祠誰訪覺王宮。都來二百年間事，燕變戎葵幾度風。

過崇德

野塍泉自注，新岸柳空存。雨霽雲開塔，船過犬吠門。柴扉斜著水，草徑別通村。翻羨田家樂，盈盈老瓦盆。

鷺

無事時來立葑田，幾回驚去為歸船。霜姿不特他人愛，照影滄波亦自怜。

詠先牌

相隨萬里途，汝豈被名驅。掛壁疑何用，辭家不可無。店翁先洒掃，津吏認稱呼。舉子無錢刻，惟

將片紙糊

舟次崇德

倦身只合卧家林，客裏消磨感慨心。
水國逢春梅未見，山城到午霧猶深。
地名不記維舟問，酒味曾諳入巷尋。
泛宅浮家何日事，了莊頭栽竹已成陰。

發長安堰

夏老虫殼切，晨興草氣香。
買瓜依綠樹，出水得青秧。
舡聚知村近，牛閑覺晝長。
雙鳧蓮葉蕩，無雨故生涼。

苔錢

家貧地上却錢流，朽貫年深不可收。
若使用之堪買爵，等閑門巷亦封侯。